



Motie no. 2
Fractie: AVP
OV # 2, d.d. 15 September 2022
OLV # 976

STATEN VAN ARUBA
Ingek: 15 SEP 2022
Volgnr: IS/15/22-23

STATEN VAN ARUBA

MOTIE

Parlamento di Aruba, den reunion publico, awe dia 15 September 2022 cu Minister di asunto general, inovacion, organisacion gubernamental, infraestructura y ordenacion territorial

CONSIDERANDO CU:

- Contratistanan chiquito cu contract di servicio cu DOW, SERLIMAR y Santa Rosa pa hopi aña ta haciendo un trabao grandi y importante di limpieza y mantencion rond di nos isla; mantencion di e bunitesa di nos flora, barionan y centronan di ciudad y trabaonan adicional pa cual tanto DOW, SERLIMAR y Santa Rosa ta utiliza nan servicio;
- Compensacion y condicionnan di trabao di contratistanan chiquito ultimamente a conoce cambianan cu a afecta nan den un forma cu a perhudica nan nivel di entrada severamente, condicionnan di trabao y tambe nan seguridad di entrada mes;
- Asocacion di Contratistanan Chiquito den representacion di e contratistanan chikito, den cartanan, entre otro di fechanan 30 di November 2020, 28 di Juni 2021 y 26 di Augustus 2022, dirigi na Gobierno di Aruba y DOW, a pidi atencion urgente pa e forma con contratistanan chiquito ta wordo perhudica;
- Apesar di e peticionan aki di e Asocacion di Contratistanan Chiquito e decisionan cu ta perhudica e contratistanan chiquito, entre otro cortamento den nan compensacion, dianan di trabao y condicionnan di trabao, mientras cu costo di bida a subi den un forma alarmante;
- E medidanan cu Gabinete Wever-Croes a implementa e ultimo añanan a impacta cifra di inflacion severamente. E redoblacion di BBO, implementacion di BBO ariba servicionan cu tabata exonera; manera transaccionan bancario y seguro, y eliminacion di e descuento di 10 cent pa liter ariba gasolina y diesel a causa daño drástico na e costo di bida di nos cuidadanonan.
- Den 2022 inflacion ta sigui e rumbo preocupante. Inflacion acumula dor di medidanan implementa tin un impacto dramatico riba costo di bida. Cifranan di CBS ta confirma e aumento drastico aki. Segun cifranan di CBS e bestaansminimum pa un persona pa luna na Dember 2017 tabata 2.066 florin y na Juli 2022 esaki a bira 2.440 florin, casi 500 florin mas pa luna pa bo por sobrebibi. E bestaansminimum na 2017 pa 4 persona, 2 adulto y 2 mucha tabata 4.338 florin y awor e ta 5.124 florin casi 800 mil florin pa luna mas pa bo por sobrebibi.
- Ariba tur esaki awor ta bin aumento di awa y coriente cu 30%, paga pa remedi y aumento di BBO cu lo haci BBO en total 21% riba majoria producto na Aruba.

- E acumulacion di medidanan imponi tin un impacto directo ariba e costo di bida di e famia aki mescos cu den comunidad y tambe e gastonan operacional diario di e contratistanan chiquito cu ta wordo confronta cu aumento severo di gastonan inevitabel pa por brinda servicio mientras cu e compensacion ta wordo corta;
- Contratistanan chiquito cu entradanan margina y eherciendo trabaonan ehemplar merece un mihor trato y un entrada husto y completo

TA DICIDI:

- Pa urgi gobierno pa mas liher posibel duna atencion na e preocupacionan di e contratistanan chiquito menciona den e consideracionan y corigi e decisionan aki cu ta perhudicando e contratistanan chiquito.

Y TA PASA PA ORDEN DI DIA

The image shows several handwritten signatures in blue ink. At the top, the word 'Willa' is written in a large, cursive script. Below it, there are several other signatures of varying lengths and styles, some appearing to be initials or names. The signatures are scattered across the page, with some overlapping. The ink is a consistent blue color, and the background is plain white.